

摘藻堂四庫全書薈要

集部

欽定四庫全書薈要卷一萬七千六百三十六

集部

御定全唐詩卷二百三十一

杜甫

宗武生日

小子何時見高秋此日生自從都邑語已伴

一作律

老夫

名詩是吾家事人傳世上情  
款精文選理休覓綵衣輕

凋瘵筵初秩欹斜坐不成  
流霞分

一作飛

片

一作幾

片涓滴

就徐傾

又示宗武

覓句新知律攤書解滿牀試吟青玉案莫羨

一作帶

紫羅

囊假

一作暇

日從時飲明年共我長應須飽經術已似愛

文章十五男兒志三千弟子行曾參與游夏達者得升堂

熟食日

秦人呼寒食為熟食

示宗文宗武

消渴游江漢羈棲尚甲兵幾年逢熟食萬里逼清明松

柏邛

一作邛

山路風花

一作光

白帝城汝曹催我老回首淚

縱橫

又示兩兒

令節成吾老他時見汝心浮生看物變為恨與年深長  
葛書難得江州涕不禁團圓思弟妹行坐白頭吟

長葛江州

必弟妹所在

社日兩篇

九農一作秋豐成德業百祀發光輝報效神如在馨香舊不

違南翁巴曲醉北雁塞聲微尚想東方朔詎諧割肉歸

陳平亦分肉太史竟論功今日江南老他時渭北

一作水

童歡娛看絕塞涕淚落秋風鴛鴦迴金闕誰憐病峽中

九日五首

吳若本注闕一首趙次公以風急天高一首足之云未嘗闕

重陽獨酌

一作少飲

杯中酒抱病起

一作獨

登江上臺竹葉

於人既無分菊花從此不須開殊方日落玄猿哭舊國

霜前白雁來弟妹蕭條各何往干戈哀謝兩相催

舊日重陽日傳杯不放杯即今蓬鬢改但愧菊花開北

闕心長戀西江首獨回茱萸

一作萸房

賜朝士難得一枝來

舊與蘇司業兼隨鄭廣文采花香泛泛

一作簇簇  
一作漠漠

坐客

醉紛紛野樹歌

一作歌

還倚秋砧醒却聞歡娛兩冥漠

一作

寞

西北有孤雲

故里樊川菊登高素澹源他時一笑

一作醉

後今日幾人

存巫峽蟠江路終南對國門繫舟身萬里伏枕淚雙痕

為客裁烏帽從兒具綠尊佳辰對

一作帶

羣盜愁絕更誰

一作堪論

九日

一作日高  
一作登高

諸人集於林

九日明朝是相要舊俗非老翁難早出賢客幸知歸舊  
采黃花賸新梳白髮微漫看年少樂忍淚已霑衣

大曆二年九月三十日

為客無時了悲秋向夕終瘴餘夔子國霜薄楚王宮草  
敵虛嵐翠花禁冷葉一作葉紅年年小搖落不與故園同

十月一日

有瘴非全歇為冬亦不一作不亦難夜郎溪日暖白帝峽風

寒蒸裏

見齊民要術

如千室焦糟一作糖

幸一样茲辰南國重

舊俗自相歡

孟冬

殊俗還多事方冬變所為破甘

瓜一作

霜落瓜嘗稻雪翻

匙巫峽

一作

寒都薄烏蠻

一作沙一作

瘴遠隨終然減灘

瀨暫喜息蛟螭

冬至

年年至日長為客忽忽窮愁沉殺人江上形容吾獨老

天邊

一作

風俗自相親杖藜雪後臨丹壑鳴玉

一作

朝



來散紫宸心折此時無一寸路迷何處見

一作是

三秦

小至

至前一日即會要小冬日

天時人事日相催冬至陽生春又來刺繡五紋

一作文

添

弱線吹葭六琯動浮灰岸容待臘將舒柳山意衝寒欲

放一作破

梅雲物不殊鄉國異教兒且覆掌中杯

覽物

一作峽中覽物

曾為掾吏趨三輔憶在潼關詩興多巫峽忽如瞻華岳

蜀江猶似見黃河舟中得病移衾枕洞口經春長薜蘿

形勝有餘風土惡幾時回首一高歌

憶鄭南坻

坻蒲眠切珠也宋弘曰淮水出坻珠吳若本注坻疑作玼音泚玉色鮮潔

也師

民瞻及草堂本俱無玼字詩中但

憶伏毒寺舊游鄭南乃鄭縣之南也

鄭南伏毒寺

一作守與上下義多不合

瀟灑到江心石影銜珠閣泉

聲帶玉琴風杉曾曙倚雲嶠憶春臨萬里滄浪

一作蒼茫外

龍蛇只自深

懷灞上游

悵望東陵道平生灞上游春濃停野騎夜宿敞雲樓離

別人誰在經過老自休眼前今古意江漢一歸舟

愁

原注強戲  
為吳體

江草日日喚愁生巫

一作春

峽泠泠非世情盤渦鷺浴底

心性獨樹花發自分明十年戎馬暗萬國異域賓客老

孤城渭水秦山

一作川

得見否人經罷病虎縱橫

晝夢

二月饒睡昏昏然不獨夜短晝分眠桃花氣暖眼自醉  
春渚日落夢相牽故鄉門巷荆棘底中原君臣豺虎邊

安得務農息戰鬪普天無吏橫索錢

覽鏡呈柏中丞

渭水流關內終南在日邊  
膽銷豺虎窟淚入犬羊天  
起晚堪從事行遲更學一作覺  
仙鏡中哀謝色萬一故人憐

即事

暮春三月巫峽長晶晶

胡了切

行雲浮

一作無

日光雷聲忽

送千峰雨花氣渾如百和香  
黃鶯過水翻迴去燕子銜  
泥濕不妨飛閣卷簾圖  
畫裏虛無只少對瀟湘

即事

一作天畔

天畔羣山孤草亭江中風浪雨冥冥一雙白魚不受釣  
三寸黃甘猶自青多病馬卿無日起窮途阮籍幾時醒  
未聞細柳散金甲腸斷秦川一作州流濁涇

悶

瘴癘浮三蜀風雲暗百蠻卷簾唯白水隱几亦青山  
猿捷長難見鷗輕故不還無錢從滯客有鏡巧催顏

戲作俳諧體遣悶二首

異俗吁可怪斯人難竝居家家養烏鬼

一云川人呼豬作烏鬼聲一云

夔人呼鷓鴣為烏鬼一云峽近烏蠻俗於正月設牲酒田間操兵大噪名養烏鬼以攘厲氣元稹江陵詩病賽

烏稱鬼則烏鬼乃神名

蝮蝮食黃魚舊識能

一作難

為態新知已暗

疎治生且耕鑿只有不關

一作開

渠

西厯青羌板

一作坂

南留白帝城

原注頃歲自秦涉隴從同谷縣去遊蜀留滯於

巫於菟

一作殺於山一作殺菟

侵客恨粃粃

音巨女見招魂蜜甜也

作人情瓦

卜傳神語畬田費火聲

一作耕

是非何處定高枕笑浮生

得舍弟觀書自中都

至德二年以西京為中京

已達江陵今

茲暮春月末行李合到夔州悲喜相兼團圓可  
待賦詩即事情見乎詞

爾到

一作過

江陵府何時到峽州亂離生有別聚集病應

瘳颯颯開啼眼朝朝上水樓老身須付託白骨更何憂

喜觀即到復題短篇二首

巫峽千山暗終南萬里春病中吾見弟書到汝為人意

一作竟

答兒童問來經戰伐新泊船悲喜後款款話

一作議

歸秦

待爾嗔烏鵲拋書示鵲鴿枝間喜不去原上急曾經江  
閣嫌津柳風帆數驛亭應論十年事愁一作絕始星星

舍弟觀歸藍田迎新婦送示兩篇

汝去迎妻子高秋念却迴即今螢已亂好與雁同來東

望西江水

一作永

南遊北戶開卜居期靜處會有故人杯

楚塞難為路

一作別

藍田莫滯留衣裳判白露鞍馬信清

秋滿峽重江水開帆八月舟此時同一醉應在仲宣樓

第五弟豐獨在江左近三四載寂無消息覓使



寄此二首

亂後嗟吾在羈棲見汝難草黃騏驥病沙晚

一作暖

鵲鴿

寒楚設關城險吳吞水府寬十年朝夕淚衣袖不曾乾

聞汝依山寺杭州定越州風塵淹別日江漢失

一作共

清

秋影著啼猿樹魂飄結蜃樓明年下春水東盡白雲求

一作遊

舍弟觀赴藍田取妻子到江陵喜寄三首

汝迎妻子達荊州消息真傳解我憂鴻雁影來連峽內

鵲鷓飛急到沙頭，  
嶢關險路今虛遠。  
禹鑿寒江正穩流，  
朱紱即當隨綵鷁。  
青春不假報黃牛。

馬度

瘦一作

秦關

山一作

雪正深，北來肌骨苦寒侵。  
他鄉就

我生春色故國移，  
居見客心賸欲

一作歡劇

提攜如意舞喜

多行坐白頭吟，  
巡檐索共

一作近

梅花笑冷蘂

一作落

疎枝

半不禁

庾信羅含俱有宅

俱在江陵

春來秋去作誰家，  
短牆若在從

殘草喬木如存可，  
假花卜築應同蔣。  
詔徑為園須似邵

平瓜比年一作病一作酒開涓滴弟勸兄酬何怨嗟

江雨有懷鄭典設

春雨閭閻塞一作峽中早晚來自楚王宮亂波分披已

打岸弱雲狼藉不禁風寵光蕙葉與多碧點注桃花舒

小紅谷口子真正憶汝岸高滾滑一作限西東

王十五前閣會

楚岸收新雨春臺引細風情人來石上鮮膾出江中鄰  
舍煩書札肩輿強老翁病身虛俊味何幸飫兒童

寄韋有夏郎中

顏真卿東方朔碑陰有朝  
城主簿韋有夏疑即此

省郎憂病士書信有柴胡飲子頻通汗懷君想報珠親  
知天畔少藥味峽中無歸楫生衣卧春鷗洗翅呼猶聞  
上急水早作取平途萬里皇華使為僚記腐儒

陪柏中丞觀宴將士二首

極樂三軍士誰知百戰場無私齊綺饌久坐密金章醉  
客霑鸚鵡佳人指鳳凰幾時來翠節特地引紅妝

繡段裝檐額金花帖鼓腰一夫先舞劍百戲後歌樵  
一作

斗錐刃也江樹城孤遠雲臺使寂寥漢朝頻選將應拜霍嫖

姚

七月一日題終明府水樓二首

高棟曾軒已自涼秋風此日灑衣裳脩然欲下陰山雪

不去非無漢署香絕壁過雲開錦繡疎松夾

一作

水奏

笙簧看君宜著王喬履真賜還疑出尚方

原注終明府功曹也兼攝

奉節令故有此句  
佇觀奏即真也

宓子彈琴邑宰日終軍棄繻英妙時承家節操尚不泯

為政風流今在茲可憐賓客盡傾蓋何處老翁來賦詩  
楚江巫峽半雲雨清簟疎簾看奕棊

季秋蘇五弟纓江樓夜宴崔十三評事韋少府

姪三首

峽險江驚急樓高月迴明一時今夕會萬里故鄉情星  
落黃姑渚秋辭白帝城老人因酒病堅坐看君傾

明月生長好浮雲薄漸一作暫遮悠悠照邊一作遠塞悄悄

憶京華清動杯中物高隨海上查不眠瞻白兔百過落

烏紗

對月那無酒登樓況有江聽歌驚白鬢笑舞拓秋窗尊  
蟻添相續沙鷗竝一雙盡憐君醉倒更覺片一作心降

九月一日過孟十二倉曹十四主簿兄弟

藜杖侵寒露蓬門啟曙煙力稀經樹歇老困撥書眠秋  
覺追隨盡來因孝友偏清談見滋味爾輩可忘年

過客相尋

窮老真無事江山已定居地幽忘盥櫛客至罷琴書挂

壁移筐

一作留

果呼兒問

一作問

煮魚時聞繫舟楫及此問

吾廬

孟倉曹步趾領新酒醬二物滿器見遺老夫

楚岸通秋屐胡牀面夕畦藉糟

酒德頌枕麴藉糟一作藉

分汁滓甕

醬落提攜飯糲添香味朋來有醉泥理生那免俗方法  
報山妻

柳司馬至

有使歸三峽相過問兩京函關猶出

一作自

將渭水更屯



兵設備邯鄲道和親邏些城

吐蕃號其國都為邏些城

幽燕唯鳥去

商洛少人行哀謝身何補蕭條病轉嬰霜天到宮闕戀  
主寸心明

簡吳郎司法

有客乘舸自忠州遣騎安置瀼西頭古堂本買藉疎豁

借汝遷居停宴遊

時甫又移居東屯故瀼西草堂借吳郎

雲石熒熒高葉

曙一作晚

風江颯颯亂帆秋却為姻婭過逢地許坐曾軒

數散愁

又呈吳郎

堂前撲棗

漢王吉婦以撲棗家棗實被遺

任西隣無食無兒一婦人不

為困窮寧有此祇緣恐懼轉須親即防

一作知

遠客雖多

事使

一作便

插疎籬却甚真已訴徵求貧到骨正思戎馬

淚盈巾

覃山人隱居

南極老人自有星北山移文誰勒銘徵君已去獨松菊  
哀壑無光留戶庭予見亂離不得已子知出處必須經

高車駟馬帶傾覆，悵望秋天虛翠屏。

柏學士茅屋

碧山學士焚銀魚，白馬却走身巖居。古人已用三冬足。

年少今

一作曾

開萬卷餘晴雲，滿戶團傾蓋。秋水浮階溜。

決渠富貴必從勤，苦得男兒須讀五車書。

題柏大兄弟山居屋壁二首

叔父朱門貴，郎君玉樹高山居。精典籍，文雅涉風騷。江漢終吾老，雲林得爾曹。哀弦繞白雪，未與俗人操。

野屋流寒水山籬帶薄雲靜應連虎穴喧已去人羣筆  
架霑窗雨書籤映隙曛蕭蕭千里足一作馬箇箇五花文

戲寄崔評事表姪蘇五表弟韋大少府諸姪

隱豹深愁雨潛龍故起雲泥多仍徑曲心醉阻賢羣忍

待一作對

江山麗還披鮑謝文高樓憶疎豁

一作澗

秋興坐

氛氲

秋日寄題鄭監湖上亭三首

碧草逢一作連

春意沅湘萬里秋池要山簡馬月淨

一作靜

庾公樓磨滅餘篇翰平生一釣舟高唐寒浪滅

一作滅

髣

歸識昭丘

新作湖邊宅還聞賓客過自須開竹徑誰道避雲蘿官

序潘生拙才名賈傅多舍舟應轉

一作卜

地鄰接意如何

暫阻

一作住

蓬萊閣終為江海人揮金應物理拖玉豈吾

身羹煮秋蓴滑

一作弱

杯迎

一作疑

露菊新賦詩分氣象佳

句莫頻

一作辭

頻

謁真諦寺禪師

蘭若山高處煙霞嶂一作障幾重凍泉依細石晴雪落長

松問法看詩忘

一作妄觀身向酒慵未能割妻子卜宅近

前峰

別崔湜因寄薛據孟雲卿

原注內弟湜赴湖南幕職

志士惜妄動知深

一作深知

難固辭如何久磨礪但取不磷

緇夙夜聽憂主飛騰急濟時荊州過

一作過

薛孟為報欲

論詩

送李八祕

一作校

書赴杜相公幕

原注相公朝謁今赴後期也杜

鴻漸以黃門侍郎

同平章事鎮蜀

青簾白舫益州來  
巫峽秋濤天地迴  
石出

濫瀕堆

倒聽楓

葉下櫓搖背  
指菊花開貪趨相府  
今晨發恐失佳期  
後命催南極一星朝  
北斗五雲多處是三台

巫峽敞廬奉贈侍御四舅別之  
禮朗

江城秋日落山鬼  
閉門中行李淹吾舅  
誅茅問老翁  
赤眉猶世亂青眼只  
途窮傳語桃源客  
人今出處同

奉送十七舅下邵桂

絕域三冬暮浮生一病身感深辭舅氏別後見何人縹  
緲蒼梧帝推遷孟母鄰昏昏阻雲水側望苦傷神

送覃二判官

先帝

一作皇

弓劍遠小臣餘此生蹉跎病江漢不復謁承

明餞爾白頭日永懷丹鳳城遲遲戀屈宋渺渺卧荆衡  
魂斷航舸失天寒沙水清肺肝若稍愈亦上赤霄行

季夏送鄉弟韶陪黃門從叔

即杜鴻漸

朝謁

令弟尚為蒼水使

原注韶比兼開江使通成都外江下峽舟船

名家莫出杜



陵人比

此一作

來相國兼安蜀歸赴朝廷已入秦舍舟策

馬論兵地拖玉腰金報主身莫度清秋吟蟋蟀早聞黃

閣畫麒麟

送十五弟侍御使蜀

喜弟文章進添余別興牽數杯巫峽酒百丈內江船未  
息豺狼鬪空催犬馬年歸朝多便道搏擊望秋天

送田四弟將軍將夔州柏中丞命起居江陵節

度陽城郡王衛公幕

一作夔府送田  
將軍赴江陵

離筵罷多酒起地發寒塘回首中丞座馳牋異姓王燕

辭楓樹日雁度麥城霜空

一作定

醉山翁酒遙憐似葛強

送王十六判官

客下荆南盡君今復入舟買薪猶白帝鳴櫓少

一作已

沙

頭衡霍生春早瀟湘共海浮荒林庾信宅為仗主人留

奉送卿二翁統節度鎮軍還江陵

火旗還錦纜白馬出江城嘹唳吟

一作鳴

笳發蕭條別浦

清寒空巫峽曙落日渭陽明

一作情

留滯嗟衰疾何時見

息兵

送鮮于萬州遷巴州

鮮于昺乃仲通子有父風

京兆先時傑琳琅照一門朝廷偏注意

一作璽

接近與名

藩祖帳排

一作維

舟數寒江觸石喧看君妙為政他日有

殊息

寄杜位

原注頃者與位同在故嚴尚書幕

寒日經檐短窮猿失木悲峽中

一作筵

為客恨江上

一作竝

憶君時天地身何在

一作往

風塵病敢辭封書兩行淚霑

灑哀新詩

奉寄李十五祕書

文蔚

二首

避暑雲安縣秋風早下來暫留

一作之

魚復浦同過楚王

臺援鳥千崖窄江湖萬里開竹枝歌未好畫舸莫

一作且

遲

一作輕  
回

行李千金贈衣冠八尺身飛騰知有策意度不無神班  
秩兼通貴公侯出異人立成負文彩世業豈沈淪

奉送韋中丞之晉赴湖南

寵渥徵黃漸權宜借寇頻湖南安背水峽內憶行春王  
室仍多故蒼生倚大臣還將徐孺子一作榻處處待高人

送李功曹之荊州充鄭侍御判官重贈

曾聞宋玉宅每欲到荊州此地生涯晚送悲一作通水國

秋孤城一柱觀落日九江流使者雖光彩青楓遠自愁

送孟十二倉曹赴東京選

太宗時以歲旱穀貴東人選者集洛川謂

之東

選

君行別老親此去苦家貧藻鏡留連客江山顛顛人秋

風楚竹冷夜雪鞏梅春朝夕高堂念應宜綵服新

憑孟倉曹將書覓土婁舊莊

平居喪亂後不到洛陽岑為歷雲山問無辭荆棘深北  
風黃葉下南浦白頭吟十載江湖客茫茫遲暮心

別蘇僊

原注赴  
湖南幕

故人有遊子棄擲傍天隅他日憐才命居然屈壯圖十  
年猶塌翼絕倒為驚吁消渴今如在此一作提攜媿老夫

豈知臺閣舊先

一作  
洗

拂鳳皇雛得寶

一作  
食

翻蒼竹棲枝

把翠梧北辰當宇宙南岳據江湖國帶風塵色兵張虎  
豹符數論封內事揮發府中趨贈爾一作秦人策莫鞭  
轅下駒

存歿口號二首

每篇一存一歿是時席  
譙曹霸存畢曜鄭虔沒

席謙不見近彈碁畢曜仍傳舊小詩玉局他年無限笑

一作

白楊今日幾人悲

原注道士席謙善彈  
碁畢曜善為小詩

鄭公粉繪隨長夜曹霸丹青已白頭天下何曾有山水

人間不解重驂駒

原注高士榮陽鄭虔善  
畫山水曹霸善畫馬

奉漢中王手札報韋侍御蕭尊師亡

秋日蕭韋逝淮王報峽中少

一作小

年疑柱史多術怪仙

公不但時人惜祇應吾道窮一哀侵疾病相識自兒童  
處處鄰家笛飄飄客子蓬強吟懷舊賦已作白頭翁

哭王彭州掄

執友驚淪沒斯人已寂寥新文生沈謝異骨降松喬北  
部初高選東堂早見招蛟龍纏倚劍鸞鳳夾吹簫歷職  
漢庭久中年胡馬驕兵戈閣

一作聞

兩觀寵辱事三朝蜀



路江干

一作干戈

窄彭門

一作關

地里

一作理

遙解龜生碧草諫

獵阻清霄頃壯戎麾出叨陪幕府要將軍臨氣候猛士

塞風颭井漏

一作漂一作滿

泉誰汲烽疎火不燒前籌自多

一作多自

暇一作假隱几接終朝翠石俄雙表寒松竟後凋贈詩焉

敢墜染翰欲無聊再哭經過罷離魂去住銷之官方玉

折寄葬與萍漂曠望渥洼道霏微河漢橋夫人先即世

令子各清標巫峽長雲雨秦城近斗杓馮唐毛髮白歸

興日蕭蕭

見螢火

巫山秋夜螢火飛簾疎巧入坐人衣忽驚屋裏琴書冷  
復亂檐邊星宿稀却繞井闌添箇箇偶經花葉弄輝輝  
滄江白髮愁看汝來歲如今歸未歸

吹笛

吹笛秋山風

一作風山

月清誰家巧作斷腸聲風飄律呂相

和切月傍

一作倚

關山幾處明胡騎中宵堪北走武陵一

曲想南征故園楊柳今搖

一作推一作花

落何得愁中曲

一作却

盡生

孤雁

一作後  
飛雁

孤雁不飲啄飛鳴聲

一作聲  
聲飛

念羣誰憐一片影相失萬

重雲望盡

一作  
斷

似猶見哀多如更

一作  
更復

聞野鷗無意緒

鳴噪自

一作  
亦

紛紛

鷗

江浦寒鷗戲無他亦自饒却思翻玉羽隨意點春苗雪

暗還須浴

一作  
落

風生亦任飄幾羣滄海上清影日蕭蕭

援

裊裊啼虛壁蕭蕭挂冷枝艱難人不見

一作免

隱見爾如

知慣習元從衆全生或用奇前林騰每及父子莫相離

黃魚

日見巴東峽黃魚出浪新脂膏兼飼犬

江陵及彭蠡俱以魚飼犬

長

大不容身

黃魚長者二三丈

筒桶

一作筒一作筒

相沿久風雷肯為神

一作伸

泥沙卷涎沫回首怪龍鱗

白小

白小羣分命天然二寸魚細微霑水族風俗當園蔬

靖州

之俗凶事不食酒肉以魚為蔬名魚菜

入肆銀花亂傾箱雪片虛生成猶

拾一作捨卯盡取義何如

鹿

永與清溪別蒙將玉饌俱無才逐仙隱

芎仙翁化為白鹿二足時出女

几山上不敢恨庖厨亂世輕全物微聲及禍樞衣冠兼盜

賊饕餮食用斯須

雞

紀德名標五初鳴度必三

夜至雞三鳴始為正月一日

殊方聽有異

失次曉無慙問俗人情似充庖爾輩堪氣交亭育際巫

峽漏司南

玉腕騮

原注江陵節度衛公馬也

聞說荆南馬尚書玉腕騮頓驂

一作驂

飄赤汗跼踏顧長

楸胡虜三年入乾坤一戰收舉鞭如有問欲伴習池遊

見王監兵馬使說近山有白黑二鷹羅者久取

竟未能得王以為毛骨有異他鷹恐臘後春生

騫飛避暖勁翮思秋之甚眇不可見請余賦

本一

有二  
字詩

雪一作雲

飛玉立盡清秋不惜奇毛恣遠遊在野只教心

力一作膽

破千一作千一作于人何事網羅求一生自獵知無敵

百中爭能恥下鞫鵬礙九天須却避兔藏

一作經一作營

三穴

一作窟莫深憂

黑鷹不省人間有度海疑從北極來正翮搏風超紫塞

立一作玄

冬幾夜宿陽臺虞羅自各虛施巧春雁同歸必

見猜萬里寒空祇一日金眸玉爪不一作未凡材



御定全唐詩卷二百三十一

謹案卷二百三十第九頁後八行跕跕墮水中刊  
本跕訛跕據後漢書改

第十五頁後三行炎方每續朱櫻獻刊本櫻訛櫻  
據原集改





總校官庶吉士臣張能照

校對官檢討臣王鍾健

騰錄監生臣趙之璧

欽定四庫全書薈要

集部

御定全唐詩卷二百三十四

二至

詳校候補通考經臣郭祚熾

欽定四庫全書會要卷一萬七千六百三十七

集部

御定全唐詩卷二百三十二

杜甫

太歲日

大歷三年歲次戊申正月丙午朔三日為戊申日乃太歲日也



行將老巫山坐復春病多猶是客謀拙竟何人閭

闔開黃道衣冠拜紫宸榮光懸日月賜與出金銀

唐制當於

是日愁寂駕行斷參差虎穴鄰西江元下蜀北斗故臨

慶賀秦散地逾高枕生涯脫要津天邊梅柳樹相見幾回新

元日示宗武

汝啼吾手戰，吾笑汝身長。  
處處逢正月，迢迢滯遠方。  
飄

零還柏酒

一作葉

衰病只藜牀，訓諭

一作論

青衿子名慙白

首郎賦詩猶落筆，獻壽更稱觴。  
不見江東弟，高歌淚數

行

原注第五弟豐漂泊江左近無消息

遠懷舍弟穎觀等

陽翟空知處，荆南近得書。  
積年仍遠別，多難不安居。  
江漢春風起，冰霜昨夜除。  
雲天猶錯莫，花萼尚蕭疎。  
對酒

都疑夢吟詩正憶渠舊時元日會鄉黨羨吾廬

續得觀書迎就當陽居止正月中旬定出三峽

自汝到荆府書來數喚吾頌椒添諷詠禁火卜歡娛

一作

呼

舟楫因人動形骸用杖扶天旋夔子國春近岳陽湖

發日排南喜傷神散北吁飛鳴還接翅行序密銜蘆俗  
薄江山好時危草木蘇馮唐雖晚達終覲在皇都

將別巫峽贈南卿兄讓西果園四十畝

苔竹素所好萍蓬無

一作不

定居遠遊長兒子幾地別林



廬雜藥紅相對他時錦不如具舟將出峽巡圃念攜鋤

正月喧鶯末

一作末

茲辰放鷓初雪籬梅可折風榭柳微

舒託贈卿家有因歌野興疎殘生逗

一作通

江漢何處狎

樵漁

送大理封主簿五郎親事不合却赴通州主簿

前閬州賢子余與主簿平章鄭氏女子垂欲納

一有采字

鄭氏伯父京書至女子已許他族親事遂

停

禁籞去東牀趨庭赴北堂風波空遠涉琴瑟幾

原注音泊

虛

張渥水出騏驥崑山生鳳皇兩家誠款款中道許蒼蒼  
頗謂秦晉匹從來王謝郎青春動才調白首缺輝光玉  
潤終孤立珠明得闇藏餘寒折花卉恨別滿江鄉

人日兩篇

一作二首

元日到人日未有不陰時冰雪鶯難至春寒花較遲雲  
隨白水落風振紫山悲蓬鬢稀疎久無勞比素絲

此日此時人共得一談一笑俗相看尊前柏葉休隨酒

勝裏金花巧耐寒，佩劍衝星聊暫拔。  
匣琴流水自須彈，早春重引江湖興。  
直道無憂行路難。

江梅

梅蘂臘前破，梅花年後多。  
絕知春意好，

一作早

最奈客愁

何雪樹元

一作能

同色江風亦自波，故園不可見，巫岫鬱

嵯峨

庭草

楚草經寒碧，逢春入眼濃。  
舊低收葉舉，新掩卷牙重。  
步

履宜輕過開筵得屢供看花隨節序不敢強為容

大厯三年春白帝城放船出瞿塘峽久居夔府  
將遠江陵漂泊有詩凡四十韻

老向巴人裏今辭楚塞隅入舟翻不樂解纜獨長吁窄

轉深啼狄虛隨亂

一作落

浴鳧石苔凌几杖空翠撲肌膚

疊巒排霜劍奔泉濺水珠杳冥藤上下濃澹樹榮枯神

女峰娟妙昭君宅有無曲留明怨惜

一作別

夢盡失歡娛

擺盪盤渦沸欵斜激浪輸風雷纏地脈冰雪耀天衢鹿

角真走

一作超

險狼頭

原注鹿角狼頭俱灘名

如跋胡惡灘寧變色

高卧負微軀書史全傾撓裝囊半壓濡生涯臨臬兀死

地脫斯須不有平川決

一作快

焉知衆壑趨乾坤靈漲海

雨露洗春蕪鷗鳥牽絲颺龍濯錦紆落霞沈綠綺殘

月壞金樞泥筍苞初荻沙茸出小蒲雁兒爭水馬

山海經諸

昆之水 中多水馬 即江賦駢馬也

燕子逐檣烏絕島容煙霧環洲納曉

晡前聞辨陶牧

登樓賦北彌陶牧陶鄉名郭外為牧

轉眄拂宜都縣郭南

畿好

原注路入松滋縣

津亭北望孤勞心依憩息朗詠劃昭蘇

意遣樂還笑哀迷賢與愚飄蕭將素髮汨沒聽洪鑪丘  
壑曾忘返文章敢自誣此生遭聖代誰分哭窮途臥疾  
淹為客蒙恩早廁儒廷爭酬造化樸直乞江湖濫瀕險  
相迫滄浪深可逾浮名尋已已嬾計却區區喜近天皇

寺先披古畫圖

原注此寺有晉右軍書張僧  
錄畫孔子洵顏子十哲形像

應經帝子

渚同泣舜蒼梧朝士兼戎服君王按湛盧旄頭初倣擾  
鷄首麗泥塗甲卒身雖貴書生道固殊出塵皆野鶴歷  
塊匪轅駒伊呂終難降韓彭不易呼五雲高太甲

太甲  
疑六

甲一星  
之名

六月曠搏扶回首黎元病爭權將帥誅山林託

疲蕭未必免崎嶇

巫山縣汾州唐使君十八弟宴別兼諸公攜酒

樂相送率題小詩留於屋壁

臥病巴東久今年強作歸故人猶遠謫茲日倍多違接  
宴身兼杖聽歌淚滿衣諸公不相棄擁別惜光輝

春夜峽州田侍御長史津亭留宴

得筵字

北斗三更席西江萬里船杖藜登水榭揮翰宿春天白

髮煩

一作須

多酒明星惜此筵始知雲雨峽忽盡下牢邊

泊松滋江亭

沙帽隨鷗鳥扁舟繫此亭江湖深更白松竹遠微

一作還

青一柱全應近高唐莫再經今宵南極外甘作老人星

行次古城店泛江作不揆鄙拙奉呈江陵幕府

諸公

老年常道路遲日復山川白屋花開裏孤城麥秀邊濟  
江元自闊下水不勞牽風蝶勤依漿春鷗嬾避船王門



高德業幕府盛才賢行色兼多病蒼茫泛愛前

乘雨入行軍六弟宅

曙角凌雲罷春城帶雨長水花分塹弱巢燕得泥忙令  
弟雄軍佐凡才污省郎萍漂忍流涕哀颯近中堂

宴胡侍御書堂

原注李尚書之芳鄭  
祕監審同集歸字韻

江湖春欲暮牆宇日猶微閭閻春一作書籍滿輕輕花絮

飛翰林名有素墨客興無違今夜文星動吾儕醉不歸

書堂飲既夜復邀李尚書下馬月下賦絕句

湖水

一作月

林風相與清殘尊下馬復同傾久判野鶴如

霜鬢遮莫林雞下五更

上巳日徐司錄林園宴集

鬢毛垂領白花榮亞枝紅欹倒衰年廢招尋令節同薄

一作蕩

衣臨積水吹面受和風有喜留攀桂無勞問轉蓬

奉送蘇州李二十五長史丈之任

星坼台衡地

用張華事

曾為人所憐公侯終必復

李是適經之後

術昔

一作竟

相傳食德見從事克家何妙年一毛生鳳穴

三尺獻龍泉赤璧浮春暮姑蘇落海邊客間頭最白惆  
悵此離筵

暮春江陵送馬大卿公恩命追赴闕下

自古求忠孝名家信有之吾賢富才術此道未磷緇玉  
府標孤映霜蹄去不疑激揚音韻徹籍甚衆多推潘陸  
應同調孫吳亦異時北辰徵事業南紀赴恩私卿月升  
金掌王春度玉墀熏風行應律湛露即歌詩天意高難  
問人情老易悲尊前江漢闊後會且深期

暮春陪李尚書李中丞過鄭監湖亭泛舟

得過  
字韻

海內文章伯湖邊意緒多  
玉尊移晚興桂楫帶酣歌  
春日繁魚鳥江天足芰荷  
鄭莊賓客地哀白遠來過

奉送蜀州柏二別駕將中丞命赴江陵起居衛

尚書太夫人因示從弟行軍司馬佐

別駕乃中丞之弟衛

伯玉時為荆南節度檢校工部尚書

中丞問俗畫熊頻愛弟傳書彩鷁新遷轉五州防禦使  
起居八座太夫人楚宮臘送荆門水白帝雲偷碧海春

報與惠連詩不惜知吾斑鬢總如銀

夏日揚長寧宅送崔侍御常正字入京

得深  
字韻

醉酒揚雄宅升堂子賤琴不堪垂老鬢還對欲分襟天  
地西江遠星辰北斗深烏臺俯麟閣長夏白頭吟

和江陵宋大少府暮春雨後同諸公及舍弟宴

書齋

渥洼汗血種天上麒麟兒才士得神秀書齋聞爾為  
棣華晴雨好綵服暮春宜朋酒日歡會老夫今始知

宇文晁尚書之甥崔或司業之孫

中有脫字

尚書之

子重泛鄭監

審

前湖

郊扉俗遠長幽寂野水春來更接連  
錦席淹留還出浦  
葛巾欹側未迴船  
尊當霞綺輕初散  
權拂荷珠碎却圓  
不但習池歸酌君  
看鄭谷去黃緣

多病執熱奉懷李尚書

之芳

衰年正苦病  
侵凌首夏何須氣  
鬱蒸大水淼茫炎  
海接  
奇峰磈兀火雲升  
思霑道暍黃梅雨  
敢望宮恩玉井冰

不是尚書期不顧

陳遵留北部刺史飲不遣去刺史入叩遵母曰當對尚書有期會乃自後

閣逸去

山陰野

一作夜

雪興難乘

### 水宿遣興奉呈羣公

魯鈍仍多病逢迎遠復迷耳聾須畫字髮短不勝篔簹澤  
國雖勤雨炎天竟淺泥小江還積浪弱纜且長堤歸路

非關北行舟却向西暮年漂泊恨今夕

一作久客

亂離啼童

穉頻書札盤餐詎

一作具

糝藜我行何到此物理直難齊

高枕翻星月嚴城疊鼓鞞風號聞虎豹水宿伴鳧鷖異

縣驚虛往同人惜解攜蹉跎長泛鷁展轉屢鳴雞嶷嶷  
瑚璉器陰陰桃李蹊餘波期救涸費日苦輕齎支

一作杖

策門闌遽肩輿羽翮低自傷甘賤役誰慙強幽棲巨海  
能無釣浮雲亦有梯勲庸思樹立語默可端倪贈粟困  
應指登橋柱必題丹心老未折時訪武陵溪

奉賀陽城

一作城陽

郡王太夫人恩命加鄧國太夫

人

原注陽城郡王衛伯玉也

衛幕銜恩重潘輿送喜頻濟時瞻上將錫號戴慈親富



貴當如此尊榮邁等倫郡依封土舊國與大名新紫誥

鸞迴紙清朝燕賀人遠傳冬筍味更覺綠衣春奕葉班

姑史芬芳孟母鄰義方兼有訓詞翰兩如神委曲承顏

體騫飛報主身可憐忠與孝雙美畫一作騏驎

江陵望幸肅宗上元元年置南都於荊州號江陵府以呂諲為尹尋罷廣德元年復

以衛伯玉

尹江陵

雄都元壯麗望幸歛威神地利西通蜀天文北照秦風

煙含越鳥舟楫控吳人未枉周王駕終期漢武巡甲兵

分聖旨居守付宗臣早發雲臺仗

一作路

思波起涸鱗

江邊星月二首

驟雨清秋夜金波耿玉繩天河元自白江浦

一作渚

向來

澄映物連珠斷綠空一鏡升餘光隱

一作憶

更漏況乃露

華凝

江月辭風纜

一作檻

江星別霧

一作露

船雞鳴還曙

一作曉

色

鷺浴自清

一作晴

川歷歷竟誰種悠悠何處圓客愁殊未

已他夕始相鮮

舟月對驛近寺

更深不假燭月朗自明船  
金剝青楓外朱樓白水邊  
城烏啼眇眇野鷺宿娟娟  
皓首江湖客鈎簾獨未眠

舟中

風餐江柳下雨臥驛樓邊  
結纜排魚網連檣竝米船  
今朝雲細薄昨夜月清圓  
飄泊南庭老祇應學水仙

遣悶

地闊平沙岸舟虛小洞房  
使塵來驛道城日避烏檣

一作

牆

暑雨留蒸濕江風借夕涼行雲星隱見疊浪月光芒  
螢鑿綠帷徹蛛絲冒鬢長哀箏猶凭几鳴笛竟霑裳倚  
著同如秦贅過逢類楚狂氣衝看劍匣穎脫撫錐囊妖  
孽闖東臬兵戈隴右創時清疑武畧世亂跼文場餘力  
浮於海端憂問彼蒼百年從萬事故國耿難忘

江陵節度陽城郡王新樓成王請嚴侍御判官  
賦七字句同作

樓上炎天冰雪生高飛燕雀賀新成碧窗宿霧濛濛濕

朱拱浮雲細細輕杖鉞褰帷瞻具美投壺散帙有餘清  
自公多暇延參佐江漢風流萬古情

又作此奉衛王

西北樓成雄楚都遠開山岳散江湖二儀清濁還高下  
三伏炎蒸定有無推轂幾年唯鎮靜曳裾終日盛文儒  
白頭授簡焉能賦媿似相如為大夫

舟

一本有中  
字

出江陵南浦奉寄鄭少尹

審

更欲投何處飄然去此都形骸元土木舟楫復江湖社

稷纏妖氣干戈送老儒百年同棄物萬國盡窮途雨洗  
平沙靜天銜闊岸紆鳴蜩隨泛梗別燕赴秋菰棲託難  
高臥飢寒迫向隅寂寥相煦沫浩蕩報恩珠溟漲鯨波  
動衡陽雁影徂南征問懸榻東逝想乘桴濫竊商歌聽  
時憂卞泣誅經過憶鄭驛斟酌旅情孤

江南逢李龜年

岐王

範

宅裏尋常見崔九

原注殿中監崔滌  
中書令湜之弟

堂前幾度

聞正是

一作  
值

江南好風景落花時節又逢君

官亭夕坐戲簡顏十少府

南國調寒杵西江浸日車  
客愁連蟋蟀亭古帶蒹葭  
不返青絲鞵虛燒夜燭花  
老翁須地主細細酌流霞

秋日荆南述懷三十韻

昔承推獎分媿匪挺生材  
遲暮宮臣忝艱危衮職陪揚

鑣一作鞭

隨日馭折檻出雲臺

首句起至此追憶與房琯牽連罷斥事

罪戾

寬猶活干戈塞未開  
星霜玄鳥變身世白駒催  
伏枕因超忽扁舟任往來  
九鑽巴嶷火三蟄楚祠雷  
望帝傳應

實昭王問不迴蛟螭深作橫豺虎亂雄猜素業行已矣

浮名安在哉琴鳥曲怨憤庭鶴舞摧頽秋雨

一作水

漫湘

水

一作竹

陰風過嶺梅苦搖求食尾常曝報恩顛結舌防讒

柄探腸有禍胎蒼茫步兵哭展轉仲宣哀飢籍

入聲一作籍

家家米愁徵處處杯休為貧士歎任受衆人啗得喪初

難識榮枯劃易訣差池分組冕合沓起蒿萊不必伊周

地皆知

一作登

屈宋才漢庭和異域晉史圻中台霸業尋

常體忠臣忌諱災羣公紛戮力聖慮宵

一作審

衷回數見



銘鍾鼎真宜法斗魁願聞鋒鏑鑄莫使棟梁摧盤石圭  
多剪凶門穀少推垂旒資穆穆祝網但恢恢赤雀翻然  
至黃龍詎一作不假媒賢非夢傅野隱類鑿顏坯自古江  
湖客冥心若死灰

秋日荆南送石首薛明府辭滿告別奉寄薛尚

書

景仙

頌德敘懷裴然之作三十韻

南征為客久西候別君初歲滿歸鳧鳥秋來把雁書荆  
門留美化姜被就離居聞道和親入

景仙出使吐蕃  
同論泣陵入朝

垂

名報國餘連枝不日竝八座幾時除往者胡星孛恭惟

漢網疎風塵相瀕洞天地一丘墟殿瓦鴛鴦坼宮簾翡翠

翠虛鈞陳摧傲道槍纍

長楊賦木擁槍纍即柵也

失儲胥文物陪巡

守一作狩

親賢病拮据公時呵契猶首唱却鯨魚勢愜宗

蕭相

原注郭令公

材非一范睢

原注諸名將

屍填太行道血走後

儀渠滄口師仍會丞關憤已攄

追述景仙守扶風事

紫微臨大角

皇極正乘輿賞從頻峨冕殊私

一作思

再直廬

原注公舊執金吾新

授羽林前

後二將軍

豈惟高衛霍曾是接應徐降集翻翔鳳追攀

絕衆狙侍臣雙宋玉戰策兩穰苴鑿澈勞懸鏡荒蕪已

荷鋤嚮來披述作

原注石首處見公新文一卷卷一作通

重此憶吹噓白

髮甘凋喪青雲亦卷舒經綸功不朽跋涉體何如

原注公頃

奉使和蕃

已見上

應訝耽湖橘常餐占野蔬十年嬰藥餌萬里

狎樵漁揚子淹投閣鄒生惜曳裾但驚飛熠燿不記改  
蟾蜍煙雨封巫峽江淮略孟諸湯池雖險固遼海尚填  
淤努力輸肝膽休煩獨起予

哭李尚書

之芳

漳濱與蒿里逝水竟同年欲挂

一作把

留徐劔猶迴憶戴

船相知成白首此別間黃泉風雨嗟何及江湖涕泣然

修文將管輅奉使失張騫史閣行人在詩家秀句傳客

亭鞍馬絕旅櫬網蟲懸復魄

一作塊

昭丘遠歸魂素漉偏

樵蘇封葬地喉舌罷朝天秋色凋春草王孫若箇邊

### 重題

涕泗不能收哭君余

一作餘

白頭兒童相識

一作顧

盡宇宙

此生浮江雨銘旌濕湖風井徑秋還瞻魏太子賓客減

應劉

原注公歷禮部尚書薨於太子賓客

獨坐

悲愁

一作秋

回白首倚杖背孤城江斂州渚出天虛風物

清滄溟服

一作恨

哀謝朱紱負平生仰羨黃昏鳥投林羽

翻輕

暮歸

霜黃碧梧白鶴棲城上擊柝復烏啼客子入門月皎皎

誰家擣練風淒淒南渡桂水關舟楫北歸秦

一作洛

川多

鼓鞞年過半百不稱意明日看雲還杖藜

移居公安敬贈衛大郎

鈞

衛侯不易得余病汝知之雅量涵高遠清襟照等夷  
平生感意氣少小愛文辭河海由來合風雲若有期  
形容勞宇宙質樸謝軒墀自古幽人泣流年壯士悲  
水烟通徑草秋露接園葵入邑豺狼鬪傷弓鳥雀飢  
白頭供宴語烏几伴棲遲交態遭輕薄今朝豁所思

公安送韋二少府匡贊

逍遙公

後周韋夔號逍遙公  
唐嗣立號小逍遙公

後世多賢送爾維舟惜此

筵念我能書

一作常能

數字至將詩不必萬人傳時危兵甲

黃塵裏日短江湖白髮前古往今來皆涕淚斷腸分手  
各風煙

贈虞十五司馬

遠師虞祕監今喜識玄孫形像丹青逼家聲器宇存淒  
涼憐筆勢浩蕩問詞源爽氣金天豁清談玉露繁佇鳴  
南岳鳳欲化北溟鯤交態知浮俗儒流不異門過逢聯

客位日夜倒芳尊沙岸風吹葉雲江月上軒百年嗟已  
半四座敢辭喧書籍終相與青山隔故園

公安縣懷古

野曠呂蒙營

蒙封孱陵侯即此地

江深劉備城

備奔吳孫權推為左將軍居此時人

呼為左公故名公安

寒天催日短風浪與雲平灑落君臣契飛騰

戰伐名維舟倚前浦長嘯一含情

公安送李二十九弟晉肅入蜀余下沔鄂

正解柴桑纜仍看蜀道行檣烏相背發塞雁一行鳴南



紀連銅柱西江接錦城憑將百錢卜飄泊問君平

宴王使君宅題二首

漢主追韓信蒼生起謝安吾徒自飄泊世事各艱難  
逆旅招邀近他鄉思一作意緒寬不材甘朽質高臥豈泥蟠

泛愛容霜髮

一作鬢

留歡卜夜閒

一作闌一作上夜闌

自吟詩送老

相勸酒開顏戎馬今何地鄉園獨舊

一作在

山江湖墮清

月醕酌任扶還

留別公安太易沙門

隱居欲就廬山遠  
麗藻初逢休上人  
數問舟航留製作  
長開篋笥擬心神  
沙村白雪仍含凍  
江縣紅梅已放春  
先蹋爐峰置蘭若  
徐飛錫杖出風塵

御定全唐詩卷二百三十二

欽定四庫全書薈要卷一萬七千六百三十八

集部

御定全唐詩卷二百三十三

杜甫

曉發公安

原注數月  
憇息此縣

北城擊柝復欲罷  
東方明星亦不遲  
鄰雞野哭如昨日  
物色生慙能幾時  
舟楫眇然自此去  
江湖遠適無前期  
出門轉眄已陳迹  
藥餌扶吾隨所之

泊岳陽城下

江國踰千里山城僅百層岸風翻夕浪舟雪灑寒燈留  
滯才難盡艱危氣益增圖南未可料變化有鯤鵬

纜船苦風戲題四韻奉簡鄭十三判官

泛

楚岸朔風疾天寒鷓鴣呼漲沙霾草樹舞雪渡江湖吹  
帽時時落維舟日日孤因聲置驛外為覓酒家壚

登岳陽樓

昔聞洞庭水今上岳陽樓吳楚東南坼乾坤日夜浮親  
朋無一字老病有孤舟戎馬關山北憑軒涕泗流

陪裴使君登岳陽樓

湖闊兼雲霧樓孤屬晚晴  
禮加徐孺子詩接謝宣城  
雪岸叢梅發春泥百草生  
敢違漁父問從此更南征

過南岳入洞庭湖

洪波忽爭道岸轉異江湖  
渚分雲樹衡山引舳艫  
翠

牙穿裛粲

一作蔣

碧節上

一作吐

寒蒲病渴身何去春生力

更無壞童犁雨雪漁屋架泥塗  
欹側風帆滿微冥水驛孤悠悠  
迴赤壁浩浩略蒼梧  
帝子留遺恨曹公屈壯圖

聖朝光御極殘孽駐艱虞才淑隨廝養名賢隱鍛鑪邵  
平元入漢張翰後歸吳莫怪啼痕數危橋逐夜烏

宿青草湖

重湖南青  
草北洞庭

洞庭猶在目青草續為名宿漿依農事郵籤報水程寒  
冰爭倚薄雲月遞微明湖雁雙雙起人來故北征

宿白沙驛

原注初過  
湖南五里

水宿仍餘照人煙復此亭驛邊沙舊白湖外草新青萬  
象皆春氣孤槎自客星隨波無限月一作景的的近南溟

湘夫人祠

即黃陵廟

肅肅湘妃廟空牆碧水春蟲書玉珮  
鮮燕舞翠帷塵晚泊登汀樹微馨借

一作香惜

渚蘋蒼梧恨不盡染淚在叢筠

祠南夕望

百丈牽江色孤舟泛日斜興來猶杖屨  
目斷更雲沙山鬼迷春竹湘娥倚暮花  
湖南清絕地萬古一長嗟

登

一作發

白馬潭

水生春纜沒日出野船開宿鳥行猶去叢花

一作叢花

笑不



來人人傷白首處處接金杯莫道新知要南征且未回

歸雁

聞道今春雁南歸自廣州見花辭漲海避雪到羅浮是

物關兵氣何時免客愁年年霜露隔不過五湖秋

大曆二年

嶺南節度使徐浩奏十一月二十五日當管懷集縣陽雁來先是五嶺之外翔雁不到浩以陽為君德雁隨陽者臣歸君之象詩蓋深識之

野望

納納乾坤大行行郡國遙雲山兼五嶺風壤帶三苗野

樹侵江闊春蒲長  
雪消扁舟空老去  
無補聖明朝

入喬口

原注長沙北界

漠漠舊京遠  
遲遲歸路賒  
殘年傍水國  
落日對春華  
樹蜜早逢蠶  
亂江泥輕燕  
斜買生骨已  
朽悽惻近長沙

銅官渚守風

渚在寧鄉縣

不一作亦夜楚帆落  
避風湘渚間  
水耕先浸草  
春火更燒

山早泊雲物晦  
逆行波浪慳  
飛來雙白鶴  
過去杳難攀

北風

原注新康江口信宿方行

春生南國瘴氣待北風蘇向晚靈殘日初宵鼓大鑪爽  
 攜卑濕地聲拔洞庭湖萬里魚龍伏三更鳥獸呼滌除  
 貪破浪愁絕付摧枯執熱沈沈在凌寒往往須且知寬  
 疾肺不敢恨危途再宿煩舟子衰容問僕夫今晨非盛  
 怒便道即一作却長驅隱几看帆席雲山湧坐隅

雙楓浦

在瀏陽縣

輟擢青楓浦雙楓舊已摧自驚哀謝力不道棟梁材浪  
 足浮紗帽皮須截錦苔江邊地有主暫借上天迴

奉送王信州峯北歸

朝廷防盜賊供給愍誅求下詔選郎署傳聲能典

一作  
典信

州蒼生今日困

一作  
起

天子嚮時憂井屋有煙起瘡痍無

血流壤歌唯海甸畫角自山樓白髮寐常早荒榛農復

秋解龜踰卧轍遣騎覓扁舟徐榻不知

一作  
能

倦潁川何

以酬塵生

一作  
老塵

彤管筆寒膩黑貂裘高義終焉在斯文

去矣休別離同雨散行止各雲浮林熱鳥開口江渾魚

掉頭尉佗

當足指  
崔旰輩

雖北拜太史尚南留軍旅應都息寰

區要盡收九重思諫諍八極念懷柔徙倚瞻王室從容  
仰廟謀故人持雅論絕塞豁窮愁復見陶唐理甘為汗  
漫遊

江閣卧病走筆寄呈崔盧兩侍御

客子庖廚薄江樓枕席清哀年病祇瘦長夏想為情滑

憶一作喜

彫胡飯香聞錦帶羹溜匙兼暖腹誰欲致

一作覓

杯甕

潭州送韋員外牧韶州

迢

炎海韶州牧風流漢署郎分符先令望同舍有輝光白  
首多年疾秋天昨夜涼洞庭無過雁書疏莫相忘

江閣對雨有懷行營襄二端公

襄蚪與討臧玠故有行營

南紀一作極

風濤壯陰晴屢不分野流行地日江入度山

雲層閣憑雷殷長空水面

一作水面

文雨來銅柱北應

一作意

洗伏波軍

酬韋韶州見寄

養拙江湖外朝廷記憶疎深慙長者轍重得故人書白

髮絲難理

一作  
鼓

新詩錦不如雖無南去雁看取北來魚

千秋節有感二首

八月五日為  
明皇千秋節

自罷千秋節頻傷八月來先朝常宴會壯觀已塵埃鳳  
紀編生日龍池墜劫灰湘川新涕淚秦樹遠樓臺寶鏡  
羣臣得金吾萬國迴衢尊不重飲白首獨餘哀

御氣雲樓敞含風綵仗高仙人張內樂王母獻宮桃羅  
韞紅蕖豔金羈白雪毛舞階銜壽酒走索背秋毫聖主  
他年貴邊心此日勞桂江流向北滿眼送波濤

晚秋長沙蔡五侍御飲筵送殷六參軍歸澧州  
覲省

佳士欣相識，慈顏望遠遊。  
甘從投轄飲，肯作置書郵。  
高鳥黃雲暮，寒蟬碧樹秋。  
湖南冬不雪，吾病得淹留。

湖中

一作南

送敬十使君適廣陵

相見各頭白，其如離別何。  
幾年一會面，今日復悲歌。  
少壯樂難得，歲寒心匪他。  
氣纏霜匣滿，冰置玉壺多。  
遭亂竇漂泊濟，時曾琢磨形。  
容吾校老膽，力爾誰過秋。  
晚岳



增翠風高湖湧波騫騰訪知己淮海莫蹉跎

長沙送李十一

街

與子避地西康州洞庭相逢十二秋遠媿尚方曾賜履  
竟非吾土倦登樓久存膠漆應難竝一辱泥塗遂晚收

李杜齊名

用杜密李膺李固  
杜喬舊事為喻

真忝竊朔雲寒菊倍離憂

重送劉十弟判官

分源承韋派

言劉杜同出也范宣子曰在  
商為承韋氏在周為唐杜氏

別浦雁賓秋

年事推兄忝人才覺弟優經過辨豐劍意氣逐吳鉤垂

翅徒哀老先鞭不滯留本枝凌歲晚高義豁窮愁他日  
臨江待長沙舊驛樓

奉贈盧五丈參謀

琚原注時丈人使自江陵在長沙待恩旨先支率錢米

恭惟同自出

甫祖母盧氏即所誌范陽太君者

妙選異高標入幕知孫

楚披襟得鄭僑丈人藉才地門閥冠雲霄老矣逢迎拙  
相於契託饒賜錢傾府待爭米駐一作貯船遙鄰好艱難

薄氓

一作氓

心杼軸焦客星空伴使寒水不成潮素髮乾

垂領銀章破在腰說詩能累夜醉酒或連朝藻翰惟牽

率湖山合動搖時清非造次興盡却蕭條天子多恩澤  
蒼生轉寂寥休傳鹿是馬莫信鵬如一作鴉未解依依  
袂還斟泛泛瓢流年疲蟋蟀體物幸鷓鴣一作羣孤負滄  
洲願誰云晚見招

登舟將適漢陽

春宅棄汝去秋帆催客歸庭蔬尚在眼浦浪已吹衣生  
理飄蕩拙有心遲暮違中原戎馬盛遠道素書稀塞雁  
與時集檣烏終歲飛鹿門自此往永息漢陰機

暮秋將歸秦留別湖南幕府親友

水闊蒼梧野

一作晚

天高白帝秋途窮那免哭身老不禁

愁大府才能會諸公德業優北歸衝雨雪誰

一作俱

憫敝

貂裘

送盧十四弟侍御護韋尚書

之晉

靈櫬歸上都二

十韻

素幕渡江遠朱幡登陸微悲鳴駟馬顧失涕萬人揮參  
佐哭辭畢門闌誰送歸從公伏事久之子俊才稀長路

更執紼此心猶倒衣感恩義不小懷舊禮無違墓待龍

驥詔臺迎獬豸威深衷見士則雅論在兵機戎狄乘妖

氣塵沙落禁闈往年朝謁斷他日掃除非但促

一作整

銅

壺箭休添玉帳旂動詢黃閣老肯慮白登圍萬姓瘡痍

合羣亮一作雄嗜欲肥刺規多諫諍端拱自光輝儉約前

王體風流後代希對敬期特達哀朽再芳菲空裏愁書

字山中疾采薇撥杯要忽罷抱被宿何依眼冷看征蓋

兒扶立釣磯清霜洞庭葉故就別時飛

哭李常侍嶧二首

一代風流盡修文地下深斯人不重見將老失知音短

日行梅嶺寒山

一作江

落桂林長安若箇畔

一作伴

猶想映

貂金

青瑣陪雙入銅梁阻一辭風塵逢我地江漢哭君時次

第尋書札呼兒檢贈詩發揮王子表

漢書有王子侯表

不媿史

臣詞

哭韋大夫之晉

悽愴郇瑕色

一作邑  
一作地

差池弱冠年丈

一作大人  
一作士

叨禮數

文律早周旋臺閣黃圖裏簪裾紫蓋邊尊榮真不忝端

雅獨脩然貢喜音容間馮招

左思詩馮公豈不  
偉白首不見招

病疾纏

南過駭倉卒北思悄聯綿鵬鳥長沙諱犀牛蜀郡憐素

車猶慟哭寶劍欲高懸漢道中興盛韋經亞相傳沖融

標世業磊落映時賢城府深朱夏江湖眇霽天綺樓闕

一作高

樹頂飛旒汎堂前帶

音亦幕疑

一作旋

風燕笳簫急暮

蟬興殘虛白室跡斷孝廉船童孺交遊盡喧卑俗事牽

老來多涕淚情在強詩篇誰寄方隅理朝難將帥權春  
秋褒貶例名器重雙全

舟中夜雪有懷盧十四侍御一作弟

朔風吹桂水朔一作雪夜紛紛暗度南樓月寒深北渚

雲燭斜初近見舟重竟無聞不識山陰道聽雞更憶君

對雪

北雪犯長沙胡雲冷萬家隨風且間一作葉帶雨不成

花金錯囊從一作罄銀壺酒易賒無人竭浮蟻有待至



昏鴉

樓上

天地空搔首頻抽白玉簪  
皇輿三極北身事五湖南  
戀闕勞肝肺論一作論材媿杞柁亂離難  
自救終是老湘潭

冬晚送長孫漸舍人歸州

參卿參謀也休坐幄蕩子不還鄉  
南客瀟湘外西戎鄠杜

旁哀年傾蓋晚費日繫舟  
長會面思來札銷魂逐去檣  
雲晴鷗更舞風逆雁無行  
匣裏雌雄劍吹毛任選將

暮冬送蘇四郎俟兵曹適桂州

飄飄蘇季子六印佩何遲  
早作諸侯客兼工古體詩  
爾賢埋照久余病長年悲  
盧綰須征日樓蘭要斬時  
歲陽初盛動王化久磷緇  
為入蒼梧廟看雲哭九疑

風疾舟中伏枕書懷三十六韻奉呈湖南親友

軒轅休製律虞舜罷彈琴  
尚錯雄鳴管猶傷半死心

四句

言風疾

聖賢名古邈羈旅病年侵  
舟泊常依震湖平

一作

半

見參如聞馬融笛若倚仲宣襟  
故國悲寒望羣雲慘

歲陰水鄉靈白屋

一作  
屋

楓岸疊

一作  
壘

青岑鬱鬱冬炎瘴

濛濛雨滯淫鼓迎

非一作  
方

祭鬼彈落似鴉禽興盡纔無

悶愁來遽不禁生涯相汨沒時物自

一作  
正

蕭森疑惑尊

中弩淹留冠上簪牽裾驚魏帝投閣為劉歆狂走終奚

適微才謝所欽吾安藜不糝汝貴玉為琛烏几重重縛

鷄衣寸寸鍼哀傷同庾信述作異陳琳十暑岷山葛三

霜楚戶砧叨陪錦帳座久放白頭吟反樸時難遇忘機

陸易沈應過數粒食得近四知金春草封歸恨源花費

獨尋轉蓬憂悄悄行藥病泫泫瘞天追潘岳持危覓鄧  
林蹉跎翻學步感激在知音却假蘇張舌高誇周宋鐔  
鐔劍鼻也莊子天子之劍  
以周宋為鐔韓魏為鉄 納流迷浩汗峻址得欽峯城

府開清旭松筠

一作  
篁

起碧潯披顏爭倩倩逸足競駸駸

朗鑒存愚直皇天實照臨公孫仍恃險侯景未生擒書  
信中原闊干戈北斗深畏人千里井問俗九州箴戰血  
流依舊軍聲動至今葛洪尸定解許靖力還  
一作  
難 任家  
事丹砂訣無成涕作霖

奉贈蕭二十使君

昔在嚴公幕俱為蜀使臣艱危參大府前後問清塵

原注

嚴再領成都

余復參幕府起草鳴先路乘槎動要津王鳧聊暫出蕭

雉只相馴終始任安義荒蕪孟母鄰聯翩匍匐禮意氣

死生親

原注嚴公沒後老母在堂使君溫清之間甘脆之禮名數若己之庭闈焉太夫人頃逝喪事又

首諸孫主典撫孤之情不減

張老

晉大夫張孟語稱張老

存家事

骨肉則膠漆之契可知矣

嵇康有故人食思慙鹵莽鏤骨抱酸辛巢許山林志夔

龍廊廟珍鵬圖仍矯翼熊軾且移輪磊落衣冠地蒼茫

土木身損荒鳴自合金石瑩逾新重憶羅江外同遊錦  
水濱結歡隨過隙懷舊益霑巾曠絕含香舍稽留伏枕  
辰停驂雙闕早迴雁五湖春不達長卿病從來原憲貧  
監河受貸粟一起轍中鱗

奉送二十三舅錄事

崔

之攝郴州

賢良歸盛族吾舅盡知名徐庶高交友

庶與崔州平善  
蓋以州平比偉

劉牢出外甥泥塗豈珠玉環堵但柴荆衰老悲人世驅  
馳厭甲兵氣春江上別淚血渭陽情舟鷁排風影林鳥

反哺聲永嘉多北至句漏且南征必見公侯復終聞盜

賊平郴州頗涼冷橘井尚淒清從役

一作事

何蠻獠居官

志在行

送魏二十四司直充嶺南掌選崔郎中判官兼

寄韋韶州

嶺南交黔等州得任土人以郎中御史充使選補謂之南選

選曹分五嶺使者歷三湘才美膺推薦君行佐紀綱佳

聲斯

一作期

共

一作不

遠雅節在周防明白山濤鑒嫌疑陸

賈裝故人湖外少春日嶺南長憑報韶州牧新詩昨寄

一作將  
夜

送趙十七明府之縣

連城為寶重茂宰得才新  
山雉迎舟楫江花報邑人  
論交翻恨晚卧病却愁春  
惠愛南翁悅餘波及老身

燕子來舟中作

湖南為客動經春燕子銜泥兩度新  
舊入故園常識主

如今社日遠看人可憐處處巢君  
一作居室何異飄飄託

此身暫語船檣還起去穿花落水

范德機云善  
本作帖水

益霑巾



同豆盧峰知字韻

一本作同豆盧峰貽主  
客李員外子棊知字韻

鍊金歐冶子噴玉大宛兒符彩高無敵聰明達所為夢  
蘭他日應折桂早年知爛漫通經術光芒刷羽儀謝庭  
瞻不遠潘省會於斯倡和將雛曲田翁號鹿皮

歸雁二首

萬里衡陽雁今年又北歸雙雙瞻客上一一背人飛雲  
裏相呼疾沙邊自宿稀繫書元一作無浪語愁寂一作絕故

山薇

欲雪違胡地先花別楚雲  
却過清渭影高起洞庭羣  
塞北春陰暮江南日色曛  
傷弓流落羽行斷不堪聞

小寒食舟中作

佳辰強飯

一作飲

食猶寒隱几蕭條帶鶻冠  
春水船如天

上坐老年花似霧中看  
娟娟戲蝶過閒

一作開

幔片片輕

鷗下急湍雲白山青萬餘里  
愁看直

一作西

北是長安

清明二首

朝來新火起新煙湖色春光淨  
客船繡羽銜

一作銜

花他

自得紅顏騎竹我無緣胡童結束還難有楚女腰肢亦

可憐不見定王城

漢長沙定王發封此

舊處長懷賈傅并依然虛

霑焦

宜作周

舉為寒食實藉嚴君賣卜錢鐘鼎山林各天

性濁醪粗飯任吾年

此身飄泊苦西東右臂偏枯半耳聾寂寂繫舟雙下淚

悠悠伏枕左書空十年蹴踘將雛遠萬里鞦韆習俗同

旅雁上雲歸紫塞家人鑽火用青楓秦城樓閣煙

一作鶯

花裏漢主山河錦繡中風水

一作春去

春來洞庭闊白蘋

愁殺白頭翁

發潭州

時自潭  
之衡

夜醉長沙酒曉行湘水春  
岸花飛送客檣燕語留人賈  
傅才未有褚公書絕倫高名  
前後事回首一傷神

迴櫂

宿昔試

一作  
世

安命自私猶畏天勞生繫一物為客費多

年衡岳江湖大蒸池

蒸水在衡  
陽城北

疫癘偏散才嬰薄

一作  
舊

俗有跡負前賢巾拂那闔眼  
餅壘易滿船火雲滋垢膩

凍雨裛沈

一作陸

縣強飯蓴添滑端居茗續煎清思漢水

上涼憶峴山巔順浪翻堪倚迴帆又省牽吾家碑

杜預碑

不昧王氏井依然几杖將衰齒茅茨寄短椽灌園曾取

適遊寺可終焉遂性同漁父成名

一作功

異魯連篙師煩

爾送朱夏及寒泉

贈韋七贊善

鄉里衣冠不乏賢杜陵韋曲未央前爾家最近魁三象

原注斗魁下兩兩相比為三台

時論同歸

一云因侵

尺五天

原注俚語云城南韋杜去天尺

五

北走關山

一作河

開雨雪南遊花柳塞雲

一作風

煙洞庭

春色悲公子鰕菜忘歸范蠡

一作萬里

船

奉

一本無奉字

酬寇十侍御錫見寄四韻復寄寇

往別郇瑕地於今四十年來簪御府筆故泊洞庭船詩  
憶傷心處春深把臂前南瞻按百越黃帽待君偏

酬郭十五受判官

才微歲老

一作晚

尚虛名臥病江湖春復生藥裏關心詩

總廢花枝照眼句還成只同燕石能星隕自得隋珠覺

夜明喬口橘洲風浪促繫帆何惜片時程

衡州送李大夫七丈勉赴廣州

斧鉞下青冥樓船過洞庭北風隨爽氣南斗避文星日  
月籠中鳥乾坤水上萍王孫丈人行垂老見飄零

欽定四庫全書薈要卷一萬七千六百三十九

集部

御定全唐詩卷二百三十四

杜甫

補遺

哭長孫侍御

一作杜誦詩 以下四首他集互見

道為謀

一作諫 一作詩

書重名因賦頌 雄禮闈曾擢桂 憲府舊

一作近 乘驄流水生涯盡 浮雲世事空 唯餘舊臺柏 蕭瑟

九原中

虢國夫人

一作張祜集靈臺二首之一



虢國夫人承主恩平明上馬入宮

祐集作金

門却嫌脂粉澆

顏色澹掃蛾眉朝至尊

軍中醉飲寄沈八劉叟

一作暢當詩

酒渴愛江清餘甘

一作甜

漱晚汀軟沙款坐穩冷石醉眠

醒野膳隨行帳華音發從伶數杯君不見醉

一作都

已遣

沈冥

杜鵑行

一作司空曙詩

古時杜宇稱望帝魂作杜鵑何微細跳枝竄葉樹木中

捨佯

一作翔

瞥捩雌隨雄  
毛衣慘黑貌

一作自

顛顛衆鳥安

宵相尊崇墮

一作陋

形不敢棲華屋  
短翮唯願巢深叢  
穿

皮啄朽背欲禿  
苦飢始得食  
一蟲誰言養  
雖不自哺此

語亦足為愚  
蒙聲音咽咽如

一作熾若

有謂號啼略與嬰兒

同口乾垂血轉迫促似欲

一作欲以

上訴於蒼宮  
蜀人聞之

皆起立至今  
數學

一作相效

傳遺風  
迺知變化不可窮  
豈知

昔日居深宮  
嬪嬙

一作妃

左右如花紅

聞惠二過東溪特一送

一作送惠二歸故居一作聞惠子過東溪以

下七首吳

若本逸詩

惠子白駒

一作魚  
一作驢

瘦歸溪唯病身皇天無老眼空谷滯

一作值

斯人崖蜜松花熟

一作白  
一作古

山杯

一作却  
一作醪

竹葉新

一作春

柴門了無

一作生

事黃

一作園

綺未稱臣

舟泛洞庭

一作過  
洞庭湖

蛟室圍青草龍堆擁

一作隱

白沙護江

一作堤

盤古木迎權

舞神鷗破浪南風正收颿

一作回檣  
一作歸舟

畏日斜雲山千萬

疊底處上仙槎

一作湖光與天  
遠直欲泛仙槎

李鹽鐵二首

一首題作李監宅  
已見第九卷中

落葉

一作  
華館

春風起高城煙霧開雜花分戶映嬌燕入檐

回一見能傾產

一作  
座

虛懷只愛才鹽官雖絆驥名是漢

庭來

長吟

江渚翻鷗戲官橋帶柳陰江飛競渡日草見蹋春

一作  
青

心已撥形骸累真為爛漫深賦詩歌

一作  
新

句穩不免

一作

覺

自長吟

絕句九首

前六首已見  
第十三卷中

聞道巴山裏春船正好行

一作還

都將百年興一望九江

城

一作山

水檻溫江口茅堂石筍西移船先主廟洗藥浣沙

一作花

溪

設

一作謾

道春來好狂風大放顛吹

一作飛

花隨水去翻却

釣魚船

瞿唐懷古

以下草堂  
逸詩拾遺

西南萬壑注，勅敵兩崖間。  
地與山根裂，江從月窟來。  
削成當白帝，空曲隱陽臺。  
疏鑿功雖美，陶鈞力大哉。

送司馬入京

羣盜至今日，先朝忝從臣。  
歎君能戀主，久客羨歸秦。  
黃閣長司諫，丹墀有故人。  
向來論社稷，為話涕霑巾。

惜別行送劉僕射判官

僕射乃其主將劉  
乃僕射之判官也

聞道南行市駿馬，不限匹數軍。

一作官

中須襄陽幕府天

下異主將儉省憂，艱虞祇收壯健勝。  
鐵甲豈因格鬪求

龍駒而今西北自反胡騏驎蕩盡一匹無龍媒真種在

帝都子孫永落西南隅向非戎事備征伐君宵辛苦越

江湖江湖凡馬多顛顛衣冠往往乘蹇驢梁公

疑梁崇義曾為

山南節度

富貴於身疎號令明白人安居俸錢時散士子盡

府庫不為驕豪虛以茲報主寸心赤氣却西戎迴北狄

羅網羣馬籍

一作籍

馬多氣

一作用

在驅馳出金帛劉侯奉

使光推擇滔滔才略滄溟窄杜陵老翁秋繫船扶病相

識長沙驛強梳白髮提胡盧手把

一作兼

菊花路旁摘九

州兵革浩茫茫三歎聚散臨重陽當杯對客忍流涕

一作

涕

君

一無君字

不覺老夫神內傷

呀

張口貌

鵲行

病鵲孤

一作卑

飛俗眼醜每夜江邊宿哀柳清秋落日

一作

月已側身過雁歸鷓錯回首緊腦雄姿迷所向疎翮稀

毛不可狀強神迷復阜雕前俊才早在蒼鷹上風濤颯

颯寒山陰熊羆欲蟄

一作蟄

龍蛇深念爾此時有一擲失

聲濺血非其心



狂

一作短

歌行贈四兄

與兄行年校一歲賢者是兄愚者是

一作是

弟兄將富貴等

浮雲弟切功名好權勢長安秋雨十日泥我曹韃馬聽

晨雞公卿朱門未開鎖我曹已到肩相齊吾兄睡穩方

舒膝不鞮不巾跼曉日男啼女哭莫我知身上須繒腹

中實今年思我來嘉州嘉州酒重

一作香

花繞

一作滿

樓樓

頭喫酒樓下臥長歌短詠

一作歌

還相酬四時八節還拘

禮女拜弟妻男拜弟幅巾鞶帶不挂身頭脂足垢何曾

洗吾兄吾兄巢許倫一生喜怒長任真日斜枕肘寢已  
熟啾啾唧唧為何

一作人

右五篇乃蘇州太守裴煜  
如晦所收見舊集補遺

### 逃難

五十頭白翁南北逃世難疎布纏枯骨奔走苦不暖

去叶

聲

已衰病方入四海一塗炭乾坤萬里內莫見容身畔

妻孥復隨我回首共悲歎故國莽丘墟鄰里各分散歸  
路從此迷涕盡湘江岸

### 寄高適

楚隔乾坤遠難招病客魂詩名唯我共世事與誰論北  
闕更新主南星落故園定知相見日爛漫倒芳尊

送靈州李判官

犬戎腥四海回首一茫茫血戰乾坤赤氛迷日月黃將  
軍專策略幕府盛材良近賀中興主神兵動朔方

與嚴二郎奉禮別

別君誰暖眼將老病纏身出涕同斜日臨風看去塵商  
歌還入夜巴俗自為鄰尚媿微軀在遙聞盛禮新山東

羣盜散闕下受降頻諸將歸應盡題書報旅人

巴西驛亭觀江漲呈竇使君二首

轉驚波作怒

一作惡

即恐岸隨流賴有杯中物還同海上

鷗關心小剡縣傍眼見揚州為接情人飲朝來減半

一作

片愁

向晚波微

一作猶

綠連空岸脚青日兼春有暮愁與醉無

醒漂泊猶杯酒躊躇此驛亭相看萬里外同是一浮萍

遣憂

亂離知又甚消息苦難真受諫無今日臨危憶古人

一作

傷故

臣紛紛乘白馬攘攘著黃巾隋氏留

一作營

宮室焚燒

何太頻

吳曾漫錄云見顧陶類選

早花

西京安穩未不見一人來臘日

一作月

巴江曲山花已自

開盈盈當雪杏豔豔待春

一作香

梅直苦風塵暗誰憂容

一作客

鬢催

巴山

巴山遇中使云自峽

一作峽

城來盜賊還奔突乘輿恐未

回天寒邵伯樹地闊望仙臺狼狽風塵裏羣臣安在哉

收京

一本有關字

復道收京邑兼聞殺犬戎衣冠却扈從車駕已還宮克

復成如此安危

一作扶持

在數公莫令回首地慟哭起悲風

巴西聞收宮闕送班司馬入京

聞道收宗廟鳴鑿自陝歸傾都看黃屋正殿引朱衣劍  
外春天遠巴西敕使稀念君經世亂匹馬向王畿

花底

紫萼扶千藥黃鬚照萬花  
忽疑行暮雨何事入朝霞  
恐是潘安縣堪留衛玠車  
深知好顏色莫作委泥沙

柳邊

只道梅花發那知柳亦新  
枝枝總到地葉葉自開春  
紫燕時翻翼黃鸝不露身  
漢南應老盡霸上遠愁人

送竇九歸成都

文章亦不盡竇子才  
縱橫非爾更苦節  
何人符大名讀

書雲閣觀問絹錦官城我有浣花竹題詩須一行

贈裴南部

一本以下  
作原注

聞袁判官自來欲有按問

塵滿萊蕪甑堂橫單父琴人皆知飲水公輩不偷金梁

獄書因上

一作  
一作

秦臺鏡欲臨獨醒時所嫉羣小謗能深

即出黃沙在何須白髮侵使君傳舊德已見直繩心

奉使

一作  
送

崔都水翁下峽

無數涪江筏鳴橈總發時別離終不久宗族忍相遺白  
狗黃牛峽朝雲暮雨祠所過頻問訊到日自題詩



題鄴縣郭三十二明府茅屋壁

江頭且繫船為爾獨相憐  
雲散灌壇雨春青彭澤田  
頻驚適小國一擬問高天  
別後巴東路逢人問幾賢

遣悶戲呈路十九曹長

江浦雷聲喧昨夜春城雨色動微寒  
黃鸝竝坐交愁濕白鷺羣飛大劇乾  
晚節漸於詩律細誰家數去酒杯寬

惟吾最

一作君醉

愛清狂客百徧相看

一作過

意未闌

隨章留後新亭會送諸君

新亭有高會行子得良時日動映江幕風鳴排檻旗絕  
暈終不改勸酒一作醉一作欲無詞一作辭一作已墮峴山淚因題零  
雨詩

東津送韋諷攝閬州錄事

聞說江山好憐君吏隱兼寵行舟遠泛怯一作惜一作別酒頻

添推薦非承乏操持必去嫌他時如按縣不得慢陶潛

客舊館

陳迹隨人事初秋別此亭重來梨葉赤依舊竹林青風

慢何

一作前

時卷寒砧昨夜聲

當作聽

無由出江漢愁緒

一作

秋月一作日

冥冥

閬州奉送二十四舅使自京赴任青城

聞道王喬烏名因太史傳如何碧雞使把詔紫微天秦  
嶺愁回馬涪江醉泛船青城漫污雜吾舅意淒然

愁坐

高齋常見野愁坐更臨門十月山寒重孤城月水

一作水氣

昏葭萌氏種迴左擔犬戎存

一作七

終日憂奔走歸期未

敢論

陪鄭公秋晚北池臨眺

北池雲水闊，華館闢秋風。  
獨鶴元依渚，衰荷且映空。  
采菱寒刺上，蹋藕野泥中。  
素楫分曹往，金盤小徑通。  
萋萋露草碧，片片晚旗紅。  
杯酒霑津吏，衣裳與釣翁。  
異方初豔菊，故里亦高桐。  
搖落關山思，淹留戰伐功。  
嚴城殊未掩，清宴已知終。  
何補參卿事

一作軍乏

歡娛到薄躬

去蜀

五載客蜀郡一年居梓州如何關塞阻轉作瀟湘游世

萬一作

事已黃髮殘生隨白鷗安危大臣在不

一作何

必淚

長流

放船

收帆下急水卷幔逐回灘江市戎戎暗山雲淦淦寒村

荒

一作荒林

無徑入獨鳥怪人看已泊城樓底何曾夜色闌

哭台州鄭司戶蘇少監

故舊誰憐我平生鄭與蘇存亡不重見喪亂獨前途豪

後何人

一作  
人誰

在文章埽地無羈遊萬里關山問一年俱

白首中原上清秋大海隅夜臺當北斗泉路著

一作  
皆

東

吳得罪台州去時危棄碩儒移官蓬閣後穀貴沒潛夫

流慟嗟何及銜冤有是夫道消詩興廢心息酒為徒許

與才雖薄追隨跡未拘班揚名甚盛嵇阮逸相須會取

君臣合寧銓品命殊賢良不必展廊廟偶然趨勝決風

塵際功安造化鑪從容拘

一作  
詢

舊學慘澹閱陰符擺落

嫌疑久哀傷志力輸俗依縣谷異客對雪山孤童穉思

諸子交朋列友于情乖清酒送望絕撫墳呼瘞病

一作病

餐巴水瘡痍老蜀都飄零迷哭處天地日榛蕪

右二十  
七篇朝

奉大夫員

安宇所收

送王侍御往東川放生池祖席

東川詩友合此贈怯輕為況復傳宗近空然惜別離梅  
花交近野草色向平池儻憶江邊臥歸期願早知

惠義寺送王少尹赴成都

得峰  
字

苒苒谷中寺娟娟林表峰闌干上處遠結構坐來重騎

馬行春徑衣冠起晚

一作暮

鐘雲門青

一作春

寂寂此別惜

相從

右二篇見王原叔本

避地

避地歲時晚竄身筋骨勞詩書遂

一作遂

牆壁奴僕且旌

旌行在僅聞信此生隨所遭神堯舊天下會見出腥臊

右一篇見趙次翁本題

云至德二載丁酉作

惠義寺園送辛員外

朱櫻此日垂朱實郭外誰家負郭田萬里相逢貪握手



高才却望足離筵

又送

雙峰寂寂對春臺萬竹青青照

一作送

客杯細草留連侵

坐輒殘花悵望近人開同舟昨日何由得竝馬今朝未

擬回直到緜州始分首江邊樹裏共誰來

右二篇見卞  
圖本竝見吳

若本

九日登梓州城

客心驚暮序賓雁下襄

一作滄

州共賞重陽節言尋戲馬

遊湖風秋

一作扶

戍柳江雨暗山樓且酌東籬菊聊祛南

國愁

右一篇見  
文苑英華

闕題

三月雪連夜未應傷物華只緣春欲盡留著伴梨花

右一

首及下逸句

見合璧事類


句

寒食少天氣東風多柳花  
小桃知客意春盡始開花

御定全唐詩卷二百三十四

謹案卷二百三十三第六頁後二行八月五日為  
明皇千秋節刊本五訛二據唐紀改





總校官庶吉士臣張能照

校對官檢討臣王鍾健

謄錄監生臣趙之璧

財團  
法人  
佛陀教育基金會  
釋淨空  
敬贈